





子威先生澹思集卷之十三上

長洲劉鳳子威著

七言律詩

京洛行

宅中形勢澗瀍深作洛千年王氣沉  
關控河流當地軸岳分嵩少壓天心  
西來驛路連雍時北枕秦城接華陰  
禹跡茫茫敷九土獨令磐石誦虞箴

寄余君房



會逢明主詔，輟才復值任。公投轄來凌，厲風雲  
名籍甚橫驅。今古氣雄哉，雅詩直爲郊宮獻。瑞  
檢仍當汾鼎開，知爾周旋鈎盾內。勒功應是冠  
麟臺。

與客談道

誰云萬事悅無倪，有競終知物不齊。息氣細縕  
吹野馬，衆形塼埴在醯雞。若陳芻狗千年外，可  
是襄城七聖迷。時命去來猶曼衍，但看桃李下  
成蹊。

卽事

首戴蒲茅行荷篲，吳淮積氣厲淫多。野田羣鷺  
飛仍浴，白水飢鳥噪復過。國計頻煩憂總劇，民  
勞隱軫切如何。吾曹鼃黽元同階，淹潦寧愁滄  
海波。

壽邵侍御乃翁八十

昔聞柱下在周家，今見鴻蒙閱歲華。鼎鉉長承  
三殿日，庭幃時發五城霞。憲威動地金要裊，  
寵命從天玉辟邪。竊幸獻觴遙奉壽，歌筵開滿



上林花

其二

剡中山色是蓬萊  
執法仙階列帝臺  
已籍瑤陵丹檢字  
先承華掌白雲杯  
太微直爾光垂象  
少岳寧言位亞台  
此日羣情遙共祝  
祇應并奉特恩來

范太僕邀同幼于秋泛得雲字

載酒青山白社分  
雄情爽氣在人羣  
關河萬里清秋色  
澗壑千重落日曛  
寺下波光鑒明月  
風

前歌縷曳纖雲隔  
年追數詼調處長  
嘯掀髯屬使君

其二

共來江海每相聞  
杯酒流連亦自欣  
拍手晉祠爭賭墅  
只言生小薄工文  
高秋月寫真長韻  
清夜天空彥輔雲  
任取豪華眼前事  
不憐曹子太紛紛

又次幼于蕭字

紅苑青丘深夜寥  
林亭砥石擁山椒  
扁舟湖上



今隨范一曲月中人是蕭差覺仰頭清漢近焉  
知引睇白雲遙欲乘天外浮查去如許才情詎  
可招

次范太僕初字

知學陶朱高謝餘身名兼泰復誰如蕭蕭礧竹  
秋煙半歷歷星榆子夜初溪帶寺門藏舊巘天  
斜古閣倚吳墟細尋霸跡寒原上不勝惆悵憶  
申胥

重次幼于虎丘蕭字八月十二夜

山從兩寺合來遙丘闕潛靈欲下招聊共寒裳  
尋劍氣試將厲齒挹泉標露新流後秋爭發月  
未盈前光盡飄會進吾徒一杯酒勿云芳草直  
爲蕭

幼于夢陳姬問佛圖澄是佛是道

蘭摧蕙歿桂凋芳青鏡流年事可傷艷鬼未淪  
還見夢佛圖欲證是何祥入禪散聖時游戲乘  
運勝殘憫覆亡若問光明藏中意已無煩惱斷  
人腸



其二

月明多露夢來時  
落葉哀蟬曲正悲  
瞰見愁魂  
疑慘黛似聞小語  
乍低眉  
塵中幻劫元隨世  
在日神通亦應期  
除是解禪情  
總謝定知無箇罷  
相思

徐長孺以草書樂府見寄因贈

尺書拂旦在衡門  
照眼琳琅語麗溫  
頓若神明行草在  
爭傳樂府解題存  
會思倒甃懸鍼法  
重見驚沙屋漏痕  
此手後來知不乏  
雲間今有陸

平原

又承與方公同過失候

躡履曾聞並駕旋中

音郎失袵未迎前  
霜中合

奏宮懸作日下爭輝  
和璧聯神理  
王將毫翰敵  
法書適遣墨卿憐  
欲憑光氣煦窮谷  
恐誤傳觀  
夜燭天

賦得山海關爲潘司馬壽

持節周畿初視師  
漁陽海色暗旌旗  
按章霜激中輦列  
書檄風生異域馳  
恩霽帶方聞款塞  
威



加樂浪著忠規寄言望氣關門尹莫作流沙欲  
度時

其二

雲朔金鉦朝建牙臨渝霜簡霽空霞征書九塞  
流虹羽執契三邊乘日車度漠軍容傳獻凱當  
宵關月靜聞笳宴清海岳呈皇祚柱石今看歷  
歲華

其三

蚤奉牙璋出按邊青雲車騎尚當年盧龍氣爲  
風裁凜碣石宮由地脉穿威比營陽聲更遠猷  
如方叔望猶全定知勲業垂當世會與無疆寶  
曆延

與客飲戲詠

非貪嘔滌事杯盤縱飲焉知天地寬茗糲雜肴  
庖鴨臠毛羹重醴牒雞韓視時和齊薌無蓼細  
拆黠胡釀用苴失咲餅將侯印易古來元重一  
壺餐

其二



欲借酒鎗徐景山問君飲量莫須慳酌深興在  
珍羞外引蒲風生尊俎間鼎味滑甘當尚糝大  
官寒具舊名環萬錢一食非嫌侈爲語男兒無  
自辱

林侍御治水功成

水地吳都經帶縈古來作治未能平三江禹貢  
初言入九派河渠今始成湍決並䟽尋地防誠  
勞積歲事徂征不愁鼃黽吾儕舊竊喜新朝又  
中程

其二

河隄使者惠文冠四載予乘柔土安沉斥巴同  
流盡灑海邦卽敘澤今刊濤湖控引宣防藝澱  
浦交輸灌溉殫漕轉東南規萬世廟謨真藉贊  
襄完

其三

乘驄護作役徒舒水稻全饒舄鹵餘孟瀆滌源  
江勢壯吳淞旣道海門虛沮洳悉辨封人計疆  
潦方鳩畝澮䟽當遂勒成溝洫志行須立獻治



安書

其四

賦籍成周治野詳農田國隄恃安疆從知度地  
排根理可是埋輪物土方庸命水官脩職秩看  
陳封事肅巖廊風威矯矯操彈日穰殖千秋賴  
佐匡

集王中翰看玉蘭期范太僕不至

春煙不徹奈花何高館張筵取次過醉裏沉吟  
芳草思酒邊慷慨羽聲歌一枝似玉温猶少九

畹徵蘭香未多少伯此時勞想像還攜越女入  
煙蘿

同范太僕皇司勳諸君集虎丘得生字

微風初御綵旂輕澗石何年此合弁命賞可堪  
春草色淹留空軫小山情聚時星漢誰從識題  
處雲煙還自生不是丘陵寒劍氣詎傳詩句重  
連城

偶詠

妄緣幻出是詩禪道斷名言非自然然經云非自



然才性總驅時代裏音聲盡效燮調前遷流可  
使風逾易壅底何知氣欲宣祇道援毫通造化  
運隨升降動關天

其二

沉思初從恍惚間宰令機動興安閒入冥才軼  
虛無外得儁神驚蕩薄還峭塹非常何有逕雕  
追不假是爲關流連賞好因成性始信吾徒未  
可攀

從軍行爲沈公純甫賦

丈夫本自重橫行孤劔還當殉義輕五嶺戈船  
揚僕傳九真斥堠伏波營平戎祇道惟乘遽喻  
粵慙他枉請纓萬里提封今一尉橐鞬應好作  
功名

其二

乘障無過漢踐更守邊兼有郅都名飛章已罄  
輸籌策疆直由來作干城莫問橐中裝在不只  
言海上鬢堪驚夢覓宵逐柁車騎吹笛關山空  
月明



其三

烽火偏令氣不平軍書日夜鴈南征文將誓楚  
還傳檄業在車攻敢莅盟可是酒泉班空遠直  
饒食昂衛先生魯陽戈信能迴日蹇蹇孤臣况  
赤誠

其四

粵裳斥地自屠睢瘴入飛鳶未罷戲置戍方將  
通徼外在行寧久役疆陲大刀頭及瓜時候北  
嚮轅聞杖杜詩若憶從驃辛苦劇木蘭真咲不

男兒

為阿尹槐石壽乃翁一槐憲副

芳樹他時茂植初慙懃重見護庭除朗陵君貴  
先封傳阿大夫賢蚤建旗莫是甘棠餘惠愛由  
來奕葉比扶踈公槐自信能家世總道年齡椿  
得如

劉都尉命賦壽兄桂林守

吾宗象郡蚤懸車松子攜將結友餘正爾相羊  
從八桂未煩餐嘍待方諸一行玄雀霄明勅二



列青鸞道士書季命裁爲大人賦慙予文不逮  
相如

四月一日王太丞宅賞芍藥

高院風煙足散懷初辰紅藥麗當堦輕將華露  
晞朝日燦比妖姬發燕釵相譁微詞誰解贈和  
滋芳賞幸能諧定知緗葢春應在最是年年期  
不乖

壽徐侍御

柱下周官舊是仙相傳藏史最長年霜威萬里

曾開霽風素千秋獨尚玄每見姓名香案上猶  
疑獻納  
聖人前貳勳不替餘忠在接武青

雲看嗣賢

贈九華太守

崑丘珎異璧藍田位列仙階當世賢石室隱文  
曾校定軼塵辭旨更超玄上榮丹藻流雲氣北  
第青踈佇綵煙已道奏名  
金闕下定言蚤晚  
會幾緣

其二



勲業韋平漢相家青雲才筆重聲華九陽玉液  
含滋菊五嶽神襟浥絳霞笙竽但迎緱嶺客歌  
鍾齊列上林花欲知金鏡秋旻寫應是仙輪玄  
景斜

壽陸翁八十

神仙受記五陵間八百登真不待攀况是庭幃  
能戲綵更言榮命有青綸平原後代家仍舊長  
史前身誥再頒壽酒迎寒花盡吐君看紫氣正  
臨關

讀朝鮮志

國從劃海肇封山萬里梯航正朔頒文物統承  
誰復識詩書流入可經刪九遙重憶三韓外七  
點空傳方丈間莫恃波濤王險固戈船士氣會  
安閒

初冬日眺望

日融風細麗初朝和暢偏宜爽候調鳥度空枝  
寒影露閣斜清漢曉煙消林光澹寫霜前思盡  
色芳含霧裡嬌玄律欲吹陽琯發直言時序自



堪韶

贈老僧

日中一食受長齋持戒多年不下階院古堂墮  
巢鳥徧坐深昏曉宿雲埋眉發嬾舉重如石骨  
貌禁來削似柴應以報身常住劫將他願力着  
形骸

其二

但欲相尋風雨迷荒巖入定與猿栖經從結集  
猶多品頌自聞持獨舉題夏臘積高稱苦行燈

衣相續付闍黎威音佛日曾蒙記補處來當雪  
嶺西

贈道士

千仞清谿學閉房見人卽欲走潛藏宵分洒濯  
行休粒日下冲凌有禁方引氣成雷朝太白嘯  
呼作霧守中黃遁形寥廓時來往恍惚遙看出  
異光

其二

拱衛虛無龍虎君朝真升降息如雲藥藏玄牝



湛青脉電掣方瞳閃綠筋玉律洞章明火候寶  
函仙篆著雷文功深骨蛻精神繁巾拂香爐知  
避葷

聞季朗得子

江上驪龍夜吐珠萬重光氣照天都問年能御  
當稱息奉職馳驅旬念呱玉是魏家他日顛才  
爲孔氏昔時瑜蘭祥芝瑞聞應喜况是階庭更  
可娛

聞敬美歸自關中

忽聞請與赤松游促駕寧爲太華留茅小君傳  
仍世徃黃初平是宿生修捨官入道非難事耽  
寂長勤可易求莫怪路旁人嘆異當言句曲在  
前頭

其二

高飛如此若君何生火焚和空自多旣爾歸真  
曾攝受可容校籍畏譙呵煉神湧出天門上得  
藥新從華頂過五百年來彈指迄嫌他銅狄尚  
摩娑



壽人七十

筆陣詞林真氣揚景光吳分入文昌瑤階環佩  
龍鸞貴 紫殿天書翰墨香繡綵承歡榮累  
葉極星稱壽舞分行華筵最是迎長至 寵賚  
方來何詎央

送張給事還朝兼呈劉都諫

拂露旌旗楚岸翻凌晨金節曙霞騫雲藏太乙  
高璿極星向南宮入紫垣僊蹕煙籠傳鳳沼綵  
旒光溢射天門 聖朝致理唐虞上分命龍

來作納言

其二

曉排花上度征輪絳闕瑤池寵侍臣臘盡禁林  
通籍待春過御苑奉恩新義形詞色精誠獻  
詔下褒嘉 皇鑒甄竊喜輝光張仲里運逢  
千載屬當晨

常司理懷椿卷

使君憫默繫深思儼若庭趨奉訓時轉側深恩  
悲拱木滴殘清淚灑喬枝陽和覃及誠難効雨



海月集 卷十三  
露含滋願可追三尺獨操光孝理何從八百慰  
靈期

培萱

祿養滋深愛日情寢興官邸竭將迎綵翻庭靄  
慈顏喜花是春暉淑問榮烏旆乍縈 恩禮洽  
翟衣仍襲 寵章旌定知茂植培來厚可藉芬  
芳魯母名

讀碧雞篇憶往時奉使不果

當年攬轡欲澄清重爲親庭不甯行丹嶠未攀  
巫子邑白雲先鎖夜郎城飛來一葉懸崖影啼  
合千山綠樹鶯今日子淵隨奉使慙他詞賦憶

西京

其二

摩天貫斗絕飛翰歷險題詩側據鞍句是夜光  
珠奪色珎非孔翠思流寒龍編曆象探來盡鳥  
道風雲收已殘莫謂山川無恨意不難推轂讓  
登壇

發願詩



人空未證尚多瞋爲發初心叩應真愆浪際同  
消劫盡法誠業與信緣泯早燈蘿戶龕藏月寒  
磬空煙樹向津但以此身隨滅度後生終不履  
紅塵

其二

昔緣忍辱悟前因今我塵軀豈異人行卽薄伽  
非世法境由轉物是香輪三空解脫標清淨八  
識消亡現潔新一念不生無住著復何風劫有  
飄淪

擬立春日游苑迎春應制

靈籥初分肇氣新陽和布令作芳晨東郊容衛  
祥煙擁行殿花香綵勝陳淑景杯前先映柳條  
風池上已催蘋迴看斗柄天文直順動爭傳宜  
建春

擬奉和從蓬萊向興慶宮道中之作

花氣薰天綵旆紛鑿輿迥出鳳城雲逶迤閣道  
煙中繞飄渺南山仗內分飛觀連霄迴日域離  
宮跨渭入星文六龍臨幸春爭發言是勾芒翊



聖君

擬同二相已下羣臣宴樂游園應制

豫日恩承旣醉歡  
需雲宴樂奉遊觀  
羹斟北斗調神鼎  
座接南山侍法鑿  
食進帝前思借箸  
感深王佐起投竿  
大酺沾賜元無量  
難效涓塵報一餐

冬日書懷

天高冬日氣融和  
調弄寬閒興足多  
放意形骸從曠蕩  
避人踪跡畏譙訶  
思長流景馳難戀量  
怯深杯飲易醜不是  
逍遙猶有恨但令貪  
著卽爲魔

其二

近來行逕較前差  
寒色空凝霜際花  
架引垂籐林影亂  
啄餘殘粒鳥聲譁  
聞薰塵境同虛寂  
習定峯巒盡結跏  
已得無生能出世  
何論世界是恒沙

其三

意舒精緊日光溫  
會道曾中無所存  
偃息自如



滄思集 卷十三  
調暢好情緣已謝是非渾網絲絡檻交蝸跡庭  
院經冬遍草痕寂寂柴關塵不到高栖人外易  
黃昏

寄徐宗伯

聖代文章命秩宗虞庭况是盛夔龍運開天地  
同寅亮道合 君臣喜協恭祇奉郊宮倍肆  
類扈從玉軼侍登封佐匡治定功成日弼直還  
聞獻九共

其二

宗臣典制奉三微道是皇風式九圍簡在泰階  
陪法駕弼成端拱化垂衣南宮秉禮隆千載北  
斗寅清重萬幾一體 恩承親 寵極瞻依咫尺戴  
天威

其三

蒼精建氣位調元禮樂明庭輔帝軒統緝經儒  
文爾雅取裁名法道醇溫初聞搏拊羣靈格已  
罄懷柔正朔尊制作千秋垂宇宙丹心一寸係  
乾坤



其四

數馬持謙侍

乘輿陳常奉典沐

恩餘

鞠躬占對文詞敏上

殿威儀體貌舒和洽

兆人陳百禮交修商學在周廬良時並奏河清  
頌欲獻慙他長倩書

寄嚴司寇寅所

秋曹掌禁法爲師重見周官誓諾辭典職輕平  
揚主聖丹書約劑著宗彝在公周密樞機  
縮先事消萌社稷禪欣值臯陶今作士祗將刑

措頌雍熙

其二

執法光齊左角明斗樞協氣瑞先呈棘槐位建  
孤卿重柱石才尊政典平載定章程修甲令並  
緣經義秉鈞衡股肱况切虛誠倚睿眷還爲  
進善旌

擬春日出苑游矚應制

上苑春生樹早芳初晨景氣麗新陽朱樓隱映  
障煙出複道逶迤綠柳藏鳥弄和風林韻管魚



牽弱藻岸浮香已深睿賞涵天澤更取迴波蕩  
日光

歲暮

歲暮蕭然百念無看雲狎鳥興尤孤獨操僻介  
齊干木苦學空門作比芻關鑰未抽終是慊堦  
基才構敢言劬年時一去嗟何及莫倚彭聃詫  
螻蛄

其二

清齋習靜戒塗遵萬事隨緣盡法律詩律猶將

嚴漢律幻身容可是天身遠空寒洗澄無色淒  
響虛擬寂愴神知久韜精言向晦恐驚光怪尚  
占辰

壽顧給舍父

獻壽春前列錦筵喜看內省力繫天寧親就第  
承恩予奉主趨朝有詔傳庖賜大官隆  
寵遇秩加特進荅忠賢願將上酒家人禮每歲  
遙來日月邊

閒適



茅齋松牖寄煙冥書架苔痕雨浥青偷眼雀啣  
香粒下暴鯁魚蹴浪花停披襟向石循幽徑藉  
草穿池隱綠汀怪是奪人兼奪境會知忘遣更  
忘形

上朱府君

法官嘗立五雲端刺郡仍勞獬豸冠渤海定難  
優治最穎川何得比全完鶯花晝靜巖城柝雲  
氣時棲畫省鸞風采自令瞻望切雍雍成俗盛  
今看

其二

三事忠勤借吏民六條察舉治功陳藩車雨露  
沾行部繡轂旌旗望徼巡風變吳謳和召律氣  
衝皇澤喜加辰 詔書聞下徵殊異 恩渥元  
深侍從臣

其三

能將疆理辨先王經政言從物土方爲限名田  
平賦法盡驅人吏立冰霜清裁非獨持蠶氣條  
上旋皆得報當治行但傳純任德他時無復說



桐鄉

其四

屬城誰不荷恩施受署寧猶逋蕩爲治舉綱維  
操大體政修清靜獨深毗聲華籍甚名都重威  
望繽紛薄海馳三輔旣令功效試應知九列待  
多時

贈長洲劉使君

使君爲邑政成年辟命旌賢寵自天齋閣陰清  
槐市雨訟堂花發曉楊烟驚傳風烈青冥上最  
是光芒列宿前砥節馳驅寧復顧氓黎尤爲匪  
躬憐

其二

正操束濕獨寬平輕按爭傳水似清夙夜在公  
忘殄瘁秋毫無隱自神明街郵已聽絃歌徹閭  
左寧聞桴鼓鳴單父來從千載後仁侯著節復  
垂聲

孝女詩

李臨淮妹父病以身禱而獲應感其孝



爲之賦

烈孝名垂青史寒抗心孺弱古來難精祈幽格  
誰無父靡竭忘身豈暇餐節在異時同嘆息事  
令千載一汎瀾但矜閨行酬能愜義激何圖祐  
貺完

贈陳明府經量

都尉先聞緼藉名寵綏欣爲吏民榮督司已道  
能兼隱按籍新來况至清高下史書裁自手淺  
深文法動緣情看修甲令亭丘賦負版誰非荷

薄征

送劉明府催漕

飛輓仍親督入勞劇當興發最功高貪程計府  
嚴期會建旆河渠趣轉漕檝擁黃頭排浪濟艫  
奔青雀沸聲囂若言相送臨岐意惟有慇懃顧  
佩刀

雨登靈巖觀烟霧隱見甚異

春寺遙乘雨色尋須臾變態出峯陰驚看輪相  
烟中攝盡舉山河霧裡沉法海現空人境奪虛



無示幻化城深遷流緣妄因生染世界難禁成  
壞心

子威先生澹思集卷之十三上

子威先生澹思集卷之十三下

長洲劉鳳子威著

五言排律

同范太僕諸君集虎丘得人字

命掉入花津風煙逐眺新山分曠靈跡澗靜遠  
聲塵置賞尋禪際清言就水濱景鮮林濯霧桂  
掩月移輪空色將離染聞香來應真法城閒得  
憇遐世託爲隣欵笑非無證招攜亦是因共言  
方外思欣藉眼中人



又得禪字

翠微含古寺躡步入幽偏  
碧樹迷三逕丹臺躋四天  
壑刊精未化隧古澗猶穿暗  
水雲浮刹晴空池湧蓮  
隱苔題字滅剗壁曲梁懸  
石在筵停講花飛境住禪  
承霜凋月葉浥露燦峯煙  
賞自竹林後風還正始前  
寄通聊作適會理信超玄  
散意琳宮日回心貪佛年  
無塵應舍欲對酒道忘詮  
岸旣真能到何須又假船

游稱心寺

靈岫引流霞日宮雲半斜  
寺門名智海山足是耆闍  
列樹森行衛垂籐纏結跏  
阜閒應賞駿緇律不同車  
方嚮聞難斷相輪光欲奢  
松篁圍寶地象設儼瓶沙  
石透安禪影衣穿宴坐葭  
梵天餘獻草鹿女尚嚼花  
果位初成道儲王學出家  
津梁疲更爾法捨會無遮  
定業真同幻推遷運足嗟  
因知探淨域世界大千遐

初夏同幼于諸君過虎丘

人愜幽尋並林經狎賞宜  
風能柔景氣雲亦澹



華滋訪壑新流細探巖古象遺閣斜猶影漢劍  
去却穿池殘碣封苔厚空筵呪石移憑高寫不  
絕因子易前期

壽楚丁先輩母

頌美播貞閭齊名女史間義方同斷織植操自  
垂鬟母寡能高魯才超復踐班 寵曾重 紫  
誥榮豈一青綸纓弁家風在庭幃綵服嫵鶯花  
迎獻壽江漢近承顏旌命猶將繼恩華孰可攀  
映看當代裡慈節古人還

夏夜

小坐一延涼微風映檻長枝橫稍稍勁露泫依  
依光礪戶遙含靄山牕隱度香斜河斷星漢空  
影隔林鄣嚮絕踈松引煙昏迷鳥翔泉清且未  
枕石冷罷臨觴散朗神情逸蕭條身世忘避炎  
移晷盡抒思入宵將著述仍非墨爲書擬亢桑  
勿令馳景擲素業在青箱

其二

清齋且避焄初夜鬱迢迢稍覺陽曦斂旋窺惠



海思集 卷十三  
氣飄霧花芳雜佩露葉葺蘭棹颭水螢全濕經  
林月盡搖暗魚跳吐藻輕鳥集陵茗飲喻川能  
竭涼疑渴欲消饋漿窮海錯中饌憶江珧坐久  
織絺御醒多尚醺調達生同逆旅觀物類柎聊  
暫適暄繁謝平明詎足徼

夏日京口故人見過

昔乖今累歲欣得覲清暉誰爲來奎分真能應  
少微薄從京口日亟就城南韋孺未逢人慣門  
猶訝轍稀乍疑全却暑值爾暫停駢旣納先弁  
屨還愁顛倒衣禮踈慙客設情極慰朝饑傾峽  
才驚瀉懸河辨遂飛不平知劍氣相惜是風徽  
芳草空延佇王孫無遽歸

送葉進士之順德

建旆復肩車新題海縣輿預占星使入遙認嶺  
煙虛理適烹鮮始才當迎刃初深仁流易達清  
聽壅今䟽井邑民相勞鄰城俗亦舒越裳知潤  
及枿服賴波餘九域方咸若爲邦况宴如 聖  
朝開省待蚤晚奉徵書



其二

叱馭爲秋駕，掄材寵吏民。  
劇能初立政，異勩賴茲晨。  
取庇非輕畀，惟賢敢易甄。  
去澆行作讓，移習使還淳。  
龍嶠風雲色，樓臺蜃氣新。  
地偏時盡燠，化浹候皆春。  
篚錫珠官貢，庭延日域賓。  
令君欣得借，遠近自驚神。

送顧繕部北上因奉父行

及秋聞祇命，效駕卽嚴程。  
于役能將父，承顏盡是榮。  
關門隱吳樹，浦口見江城。  
煙重征鴻迅，雲飛畫鷁輕。  
長風宵繼發，去蓋曉隨行。  
省署期催上，親庭念復并。  
飭材元自擅，克構况尤名。  
孝理隆今日，看君獻赤誠。

述懷

僻陋繆爲儒，勤勞空自劬。  
勢卑途轉促，情隘跡多蕪。  
蒸鬱滋闌暑，陰沉罷舞雩。  
居嘗愁穰歉，動卽觸封隅。  
灌木山齋小，崩榛野岸孤。  
林開通驛騎，風憤避檣烏。  
事豈丘園慮，憂非藜藿圖。  
清吟仍落鬼，撫臆笑狂夫。  
析理窮訶詰，逢人敢囁嚅。



滄思集 卷十三  
宿留嘗信次奄忽祇須臾正使操鑪插誰將材  
魏瓠聲譽雖不有意氣得關無落落誠難合虛  
寥可與徒

憶紫山徐丈

相思無復處時發舊題函要眇猶多緒連延未  
可芟渚青沉故隱煙白翳孤帆何日重遊墅還  
聞命阿咸縱談疑在耳清嘯尚留巖逸騁能羈  
勒奔蹏或詭銜一塗今永閔千載臆空絨藝學  
稱前輩斯人竟不凡

寄黎瑤石三十韻

南粵古多士文人才最雄雕章元隱霧斷聖本  
成風持橐陪丹禁含毫侍法宮門仍韋氏貴路  
識鮑家驄文采憐江左游從並鄴中 恩新供  
應對意故避居功得謝辭名寵來歸伏業融貳  
勲今不替三事付恢崇但道還尊齒誰云未作  
公招攜時選屨散詠盡猶虹映徹精神出清踈  
輔養充葺書全鳥籀赴響必絲桐度悒寬弘就  
微微幽隱通情華能合變近遠信包籠間氣何



驚挺羣疑若發蒙過逢應忝昔馳想尚趣東儼  
旣紛將睹遙堪耿自衷淹留慙小草飄泊類飛  
蓬分豈期真異懸非異仰同杜蘅滋與壤榛枳  
蔚爲叢榮願垂他日衰遲漸薄躬相知存海內  
遑敢悵途窮會不超然處徐看恍惚空沿流徒  
泱泱觀樂祇颯颯匠石稱輪扁和倕號國工競  
惟誇欲擅讓亦性宜沖涓滴窺溟渤丘陵失岱  
嵩詎無當世鑒竊笑鄙夫侗却寄懷難悉廻環  
緒可終定聞題尺素莫恨斷征鴻

避雨西施洞

青山入雨餘古洞闕烟虛嵐重雲來靜石深風  
度疎香留尚脂澤芳浥染芙蕖綠踐幽攀徑花  
飛曾似居近尋迷島翠遠上失吳墟緩目林巒  
趣徊徨一悵如

周公瑕山莊

閒榭俯青谿幽徧狎遁栖礪烟攀屢憇嶺色睽  
深躋危望遙通漢高臨倏掛霓片峯扶棟出衆  
巘入簷低泉上猶鳴鴈花間憶放麇藥苗春易



斷丹火竈難泥命嘯言追阮彈琴應就嵇共徵  
靈石契芳草重淒淒

其二

信美潛丘壑端居亦垆郊平雲浮樹杪缺月露  
山坳樹曉花寧落林寒鴟未教壑迴標四壁巖  
壘寫雙嶠籛縣堪裁籜陵陽可藉匏軒窻朝水  
石卧起眷蓬茅流嚮高低發清陰晨暮交共言  
塵外賞聖代有由巢

春日同籛明府過山中

野寺快晴初閒懷適復舒因從二千石還訪一  
衡廬雲際山皆接烟中景故徐樹交臨水映響  
發隔林疎興是時乘暇游將寵藉餘忘形言道  
勝撫賞悒風虛碧甸饒靈草長岑勞笨車春空  
愔方寫遠靄悵焉如蘿翳思招隱潭清欲寄漁  
漸暝天送暝緩帶立躊躇

贈傅明府

風雨不驚寒神靈避灌壇政成施愛博恩覆砥  
躬殫精格尤增異誠勞賴舉安孺行逢狎雉邑



海思集 卷十三 前十一  
更道棲鸞喜學勤爲政清身廉治官風流真可想  
淹雅自令嘆惠及徵河潤威平用法寬寧聞  
歌解劍已息論探九奏最頻居上旌書傳共看  
終知時倚待榮寵冠朝端

即思

春氣禁寒住長林隱日斜  
狔啼烟未徹鳥狎境  
猶譁流水漾殘月度香吹  
暗花樹藏山宇僻火  
宿地壚窠拂霧光遙吐  
含滋綠漸芽劇憐夷淡  
勝塵慮詎能加

送韓太史還朝

丹地初旋軫彤庭後命催  
江關望征騎灞漣暗  
飛埃供張中人設青纈  
小史開閣門方引上  
禁苑復趨陪恩禮踰朝列  
聲華擅薊臺藻驚  
游霧思氣耿剡天才劇切  
言何密匡扶義自該  
行知重摳掖庸道獵升台

其二

詰旦戒輕艫旌題已路隅  
寵除天語近肅  
召玉階趨豹尾森沉接鈞  
陳清秘殊北扉臨



紫禁初景麗金鋪際會隆千載詳延陋八儒獻  
規還左史作賦似西都夕奉汾陽檢朝承溫室  
圖五時僊漏報莫不講唐虞

白雲

解骨信仙才凝神道始胎塵勞令俗厭劫永易  
年頽養鍊銅陵下餐霞碧澗隈息吹成霧雨氣  
引若風雷霄戾還瀛館晨翔必閬臺九英將雪  
散五色戲煙迴漢動虹騫影泉虛月媚苔寶書  
芝作笈靈境玉爲埃飛觀凌寒迥層城槩日開  
何如令威語空望白雲來

王百穀將北上久不聞問詩以訊之

側聽響遽車何時獻賈疏姓名先已簡才氣會  
當攄上雍從猶待東封幸又胥侍曹憐興在供  
奉莫情踈迎夏幽煙盡臨秋通瓌虛雀聞風夜  
後草濕露寒餘寧薄虞卿印誰輕王蠋書字成  
珠錯落篇琢玉溫如鮮瑩占宵發光芒豈暗舒  
星文太史奏無使望竿旟

座主宗伯以詩見寄荅謝四十韻



迴首蒼龍闕逢令憶鳳池功成慕箕穎身隱讓  
臯夔麟閣抽簪蚤雲臺躡履遲運猶斟北斗光  
自耿長離誕挺原鍾嶽乘辰始應期弛張隆覆  
露出入荷鴻私寵藉登高賦恩慚大雅詩掃除  
先古盡頓覺往賢媿日馭輝皇極璣衡建兩儀  
雄風歌裡是白雪興中欺橫睨驅炎漢憑陵逼  
姒姬沉深存質渾逸麗謝雕錐壁而連城價珠  
含明月姿宮商諧盪沃氣骨陋紛披尚挹煙霞  
思仍當鍾鼎施可從蘇李道聊與馬揚馳盛代

誰將擬斯文真在茲國還尊用典儒亦抗稱師  
誦必敦鄒魯睽因望具茨焉能言授受祇用竭  
追隨算曆曾聞召談經每下帷由來操尺捶庸  
敢議工倕墻仞容躋踐堂隍但仰窺南轅方向  
越舉目若游睢義謂嚴非預箋云微願諮絕奔  
終莫異仇軛豈無疲史頡微餘辨連山定佚遺  
何論尋魏竹竊笑讀秦碑承相差函丈門生直  
孺兒試教觀眇小寧止失毫釐旋辟麾趨進彷彿  
惶詭吐奇杜幾驚內休却立懼堪持後閣開嘗



滄居集 卷十三  
屢瑤觴煩重醜許探窮二酉陳列殫三危安取  
前尊業惟任就析疑神情飛浩漾翰藻灑淋漓  
超遠隣天縱空勤綴學爲適逢欣曠世籠罩極  
昭時聲烈垂千禩清華貴不貲剗心夙有分糠  
慨一酬知

送徐進士還朝

輕軺北與宮結駕屬城東謁入傳呼淺班聯著  
籍通曉河榮複道初月動相風階附含香直名  
因草奏工掄才清省重茂選得人雄供奉爐烟

內趨鏘瑞蹕中飛廉霞作觀龍首氣成虹置館  
臨西掖揮毫滿射熊細塵飄羽蓋綺陌躍雲驄  
載典刪裁共爲書刊勒同此時紛照曜自昔仰  
穹窿願以承光曲因聲塞北鴻

曉起

新霽氣澄鮮晨興一爽然煙餘朝彩薄荷偃露  
珠圓先曙流殘月含風咽細泉涼生憐洒濯花  
泫惜纖妍移景雲翻影交林嚮曳蟬臨秋詩莫  
更物色與遷延



送人尋越中山水

海上片帆孤煙深不可呼遠山沉隱浪漾楫入  
平蕪遵岳名傳禹循崖勢擬吳烏傷霜欲曙木  
客徑還哺自可宜風土寧將戒旅塗若從諮越  
士朱育在還無

靜觀

謝喧堪境寄願息世能遺眺聽還俱絕天倪孰  
可窺竅常觀有欲幾是坐忘時悟入非關想心  
通豈屬思超然恣恬漠恍若任希夷試更齋三

月當從雲將期

過太倉謁元美

放跡休居日能勤謁請無相求緣問義隱處是  
空途池上猶芳草林中得比芻淡將秋水喻閒  
與夕煙孤宴坐餘靈氣緡經就鼎湖先曾侍武  
帝莫漫笑狂夫

其二

塵外殮霞客來尋松子居未同人境接了與世  
情踈心義探惟寂身形鍊更虛無爾安有盡忘



遣益空如託宿寧遺鳥假途猶結廬清禪間玄  
理何事復關予

送袁武庫

津樓曉色微琴裡奏離徽直更排閭闔遙看指  
帝畿澗花陰去蓋秋氣惹征衣帆引楓江思人  
爲蘭署輝壯猷言戢武方國佇來威何似杜元  
凱才名自古稀

得余君房書因寄

書來良自寬慰藉復當懽尺素遙能寄寸心寧  
可殫遂令蕭散跡轉憶却非冠紫殿陳封事青  
霄縱羽翰沐芳衣惹桂點筆氣薰蘭夢斷聞清  
蹕天迴奏法鑾流虹驚剡藻游霧是輸丹興入  
高秋夜翫搖承露盤向風惟引領傾想逮忘餐  
賴得因雙鯉雲泥達未難

其二

游宦貴京華由來盛祗誇言詩皆立學著業不  
名家仕豈共工重材寧匠石嗟柏梁篇始構虎  
觀議誰譁國準隆三代身通薄五車船官專制



作梓慶握靈蛇徐疾言能審方圓計未加風知  
無蕩駭度信失竒衰利器還于越良金出若耶  
離居欲有贈折簡代踈麻

寄魏季朗教京口

掌故藝何工名纔試誦通簡求虛

詔下才子自江東一命甄仍薄半綸沾未融山  
川猶禹日草木尚邠風流化雖從近雅遊非諱  
窮臨雍聞有制經義侍新宮

其二

稽古實兼才爲容記曲臺右庠令契徃小學得  
蒼來造席青衿滿登堂汗竹該周畿王教始江  
服聖文開俗競親經術人咸委貨財用儒今已  
效莫不睹風回

其三

一官江上日幾稔望堪嗟咫尺從牽後尋常猶  
去家京臺非異域計吏是秦嘉日末滄波斂風  
餘林霧斜蕭條黌舍柳搖落故園花讀賦當驚  
問徵書來未遯



其四

祭酒問誠嘉儀爲舍菜賒宮懸陳備樂庭奏樹  
崇牙辟舉應經義笙詩補白華束脩將謹畏專  
已抑浮誇動卽成文采言皆屬傳家何緣休沐  
暇肯念故侯瓜

訊沈嘉則時寓縣齊

重客來迎夏臨邛勝昔時不聞勤授舍相就幸  
停輜退食香凝好雍容琴奏宜桂長涼度葉雲  
細影依枝清靄蘭成署新輝花是帷過從當可

適快意莫言羈

秋日林亭

雨罷樹生輝秋煙重不飛思將西澗落衰共北  
林歸空水知無染閒雲與杜幾倚梧傷曼漉緣  
徑入因依總道情忘適誰云戰勝肥涼生還遽  
爽聊一詠伊威

其二

萬事寸心違今行悟昔非里同通德鄭居異五  
陵韋隱映輕林斷歌斜弱羽揮亭臯下流葉簷



沈思集 卷一  
際長新園草想遙乘麀花堪近擁扉書當傳馬  
服約豈恨牛衣細火空槐暗遺光墜露微荃予  
好姱飾猶自甚朝饑

送陸冲臺提學山西

縱金嚮澗陬析羽戒前旂晉甸持裁日吳區悵  
別秋高旻清乍洗爽氣逼全浮騎吹空霜發輶  
軒澄景收文章從璧主星野屈參留河華風今  
朗汾陽俗昔道臨軒爲士寵及席固才求况是  
聲明地行看允 帝猷

其二

異野入輕旃時文用遠柔條章猶漢作甲令重  
今修郡國因推擇賢才况仰由教覃知藉兩學  
貫盡沿流風勁傳三晉淹該隘九丘品題將月  
旦獎與任陽秋懸鑒人倫愜登龍士氣投河汾  
興禮樂光定絕岐周

沈嘉則云屠青浦再託致因賦得以言神  
仙尉因致瑤華音用謝

僊令有王喬還聞朔旦朝攝衣之



帝所躡履在煙霄業尚躬行砥身猶氓俗調閭  
臺名已載瑤水宴曾邀命冊階懸峻登真位踐  
超預師題宿智閱記抗貞剽道廣多援濟風虛  
積肯招倪將和宵眇籟欲應刁嚶金玉音能借  
瑕瑜指但譙焉從䟽澡淪祇益望迢遙

其二

簡弩備威儀誰矜子愛爲夙膺才殆庶虛挺運  
當期躡景紆陶想升天悒許思煙書人豈見龍  
篆便來遺慙重能留訣粲然微詠詩繫纓仍檢  
籍牽祿吏曹司玉韻非寒映瓊輝似露滋迎風  
半揮手迴雪託含詞折下忘華貴翻教顧賤私  
狃言驚且惕晦跡外爭知

上太宰王踈菴

天地重開曆軒皇在御辰弼諧歸一德銓政用  
誠臣首命持衡鑑元僚掌化鈞再中方啓運百  
爾盡維新黃道遵乾度丹心捧日輪垂裳河海  
宴調護著精神

其二



海思集 卷十三  
中興至理臻舊老起經綸汾水停堯駕河宗應  
帝宸疇咨千品敘寅亮五行陳政地依端揆官  
方藉統均睿謀裨更切袞職補尤辛信是君臣  
契由來肺腑親

其三

孤卿寵位昇爵賞自躬膺薦士誰三揖知人庶  
九徵陟颺皆慎簡踐位必才稱累牘清通擅諸  
曹峻直凌具瞻傾節槩逖聽慕風稜汾晉唐虞  
日君看海宇澄

其四

冢司專國命治典衆才憑計獻官聯正功分秩  
敘登馭言陳八柄化已穆三能選署觀懸象掄  
賢力舉繩位隆周憲貴冠絕漢儀矜定是推黃  
錄泰階今始應

寄吳明卿

昔命侍金閨分符階更躋陟颺三事遍名位數  
賢齊入思賡相贈矜才遇盡題夢飛吳嶠外花  
落楚雲西寒靄遵途細晨風去鳥低涉江芳可



滄思集 卷三十一  
結上郢綠無蹊流序淹回易聲塵隱軫迷懷情  
當未異介跡自言睽望 幸將封岳趨 朝待  
執圭定知行藉爾重爲吐虹霓

寄張羽王鄂州

鄂君遙借問拙宦近如何仕固逢難愜才寧時  
易攄西浮踪跡昧還顧信音踈積歲題中考頻  
年勞佐車夏丘嗟自遠雲土悵誰墟與進懷沙  
賦深疑誤郢書敘遷非定轍僻陋是荒閭舊莅  
思旋軫崇階幾奏除命應開省署恩豈後嚴徐  
未肯羣心舍當看建隼旗

寄龍明府黃州

上善紆靈略興懷軫使君政成風迄靖聲允俗  
無紛蘊藉思多貸寬平澤最殷淹翔猶楚服教  
化似河汾正直時方媚才明膏自焚情深憐俗  
繫愛結念躬勤折節從貧士游思共典墳俸嘗  
資請乞廉益重推分望斷辰陽日竟消鄂渚雲  
悲歌何繾綣江漢一相聞

徐太史愈疾



公瑕云太史疾甚困恍惚夢入孔廟衍  
聖公與接既又一少年偕一媪以榼來  
中一瓠令食辭不能又一茄少年強令  
食覺甘香醒猶在口遂灑然愈聖靈若  
是耶將太史賢也

淹臥非耽寂文園偶倦遊告因嚴助請疾向孔  
林瘳孺語痾今去媪靈誰得猶精誠通夢寐行  
義動奎婁發藥寧將禱爲儒效若酬格乎祥則  
兆詎可謂悠悠

其二

偃息嶺雲偏倚梧吟夕煙恍然疑有感迨爾覺  
能痊忘遣應真契清齋會潔蠲不因逢樂廣還  
似夢鈞天精爽寧非聖照臨知祐賢事無驚曠  
世行嗣道千年

寄張肖甫中丞巽北

撫監威望重副相節旄臨氣爲登壇厲誠將授  
鉞深多方資底濟元化賴平斟升揆應周夢疇  
咨作傳霖安危時正倚夷險道能任河岳聲靈



動山川義感謔東郊傳楚誓西略著虞箴款塞  
皆重譯來庭畢獻琛靖民恒載德下士每開心  
宿昔憐虛薄窮年懷好音雲天弘覆露海日映  
高陰遠寄將何道徒令騷首吟

哀黃清甫

幻化一消亡千秋詎足傷少微淪鳧耀敖客箕  
敖隕精芒度貴纔離嶠臨湘適返鄉身屯嫌命  
薄時寒豈才妨短數驚珠失隙陰悲劍藏惟餘  
篋中草占夜發孤光

其二

遐轍縱追尋徂齡迫遽侵夢隨巫月墮厲染爨  
煙深句在關時忌人亡閣淚禁靚罹哀卞泣垂  
絕怨莊吟谷以萊轅圯天爲黔婦陰九原遺恨  
日萬里丈夫心

其三

詩律非輕畀得來還隕身數篇天已靳累歲客  
常貧光價羸滇詠齋裝匱粵珎旅覓江漢夕羈  
寡怨啼晨半是飄蓬跡終爲行路人勿傷京洛



下今古北却塵

送金憲使之巔江

江上擁雙旌持纛按百城澗花流水濺煙樹積  
晨迎槍壘雄軍幕河橋控柳營寒輕山瘴斂春  
入嶺雲生遠馭皆風偃南陸况砥平無言新受  
脈方鎮得專征

子威先生澹思集卷之十三下



